


مکملہ ادبی و سیاسی رسالہ

❁ ادبی و سیاسی رسالہ اسبوعیہ در ❁

۳۰ نجی سنہ



۲۹ شعبان المعظم ۱۳۲۹

❁ پنجشنبہ ❁

جزء عدد : ۱۱۰

حق و حقیقت اوغرینه

بردرس سیاست اخلاقیه

آنلر ناصل یاییورلرسه بزه اوپله یایلم .

- بیروت ۱۸۱ تموز ۱۳۲۷ -

سزه اوچ عنوانلی بر مقاله یاییورم ؛ یاخود اوچ صفحہلی بر درس عبرتدن بحث ایتمک ایستیورم . فقط اصل موضوعمه کیریشمهدن - ولوکه جمله جه معلوم بولنسون - بر مقدمه جکله باشلاییم دیورم . بو مقدمه یه بنی تأثرات قلبیه مک فورانی سوق اییدیور .

مقدمه اوله رق شونی دیمک ایستهدم که :

بر عثمانلی قومی نیچون بویله افراطلردن تفریطلره ، تفریطلردن افراطلره دوشیوروز؟ . . . هیچ نقطه اعتداله یاناشه میوروز . بو حال بزه اجداددن می موروث ، بوقسه بر مؤثر حاضر و موجودک سوانقته می محکومز ؟ . . . بنجه الک زیاده حله محتاج ، مداوئی الزم بر مرض روحانی اجتماعی وارسه ایشته بودر دیبه جکم . زیرا بتون اوغرا دیغز خطیئات ، باشمزه جلب ایتمکمز فلاکت ، اوزرمزه دعوت ایلمکمز شقاوت هپ بواعتدالسنزلکک ، توازنسنزلکک نتیجه لیدر .

بر تحف بر قومز : بر آدمی سومک ایسترسهک اون دقیقه ایچنده بر « یار وفاکار قدیم » ی کسبیلیرز ؛ یاخود اوفاجق بر خطاسنی کورورسهک در حال « خصم بی امان جان » ی اولیوریرز . بر شینک یاییلماسنی ایستهدکی ، نمونه سفی - الک مکملندن اولمق اوزره انکلتزم لرده ، آلمانیا و یافرانسه لرده آرامیه قالدیشیرز ؛

آلمانیا تئگکی کبی بر محشم اوردویه ، انکلیز کئکی کبی معظم بر دونامایه بوگوندن مالکیت هوسنه دوشهرز . . . خلاصه تکملاتک اوج بالاسنه بر آتلایشده واصل اولوق حرصی پیدا ایدرز ! . . . بوکا کوزل : بر « خصلت ملیه » نظریله باقاندن وار . ایشه بر نظر سطحی عطف ایدنلر ایچون اویله در . لکن تمیق حقائق ایله مألوف انظار ایچون اویله دگدر . بو خصلت یالکز بر شرطله ممدوح اوله بیلیر : نقطه کمالی غایه ایدینه رک قانون تدریج دأره سنده حرکت ! والا مقدوح اولور : اگر بر حله ده اونقطه کماله وصول هوس طفلانه سنده بولنور سق .

بر مطلقیت اداره نک نقطه منتهای کالنه ایرمشدک ، صوگ درجه سینه قدر قورلمش ، حد الغایه سنی بولمش بر زنبک کبی . صگره اوزنبرک بردن بره بوشاندی ؛ شیمیدی ده حد الاخیر ارنخاسنه کچدی . . . ایشه بزم حالمز ! . . .

أوت . بر انقلاب . خصوصاً بر انقلاب اداری واجتماعی بممه حال بحر انلره اولور . بو بحر ان دورلری ایچنده بر چوق افراطلر ، تفریطلر و قوعه کلیر . بونلر ضروری الوقوعدر . زیرا انقلاباتک تابع اولدینی قوانین خصوصیه نک مقتضیاتیدر . دیه بیلیر زکه : فرانسه ، حالا بقیه الانقلاب آتارینی ، ولو ، لمحات شکندمه کوسترمکدن خالی قالمیور . . . لکن . . . آه لکن ! یا هر جمعیتک شرائط اجتماعیه سی بر اولورمی ؟ فرانسه نک سعه مقاومتیه بزمکی قابل قیاسمیدر ؟ . . . یالکز فرانسه ایله ده قیاسه لزوم یوق ؛ « اقوام متجانسه » ایله « غیر متجانسه » نک درجات مقاومتی قابل مقایسه میدر ؟ . . . فرانسه او داخلی اضطرابات و مجادلاتیه برابر عموم اروپا ایله چارپیشدی . . . چارپیشدی ده شان و ظرفله چیقدی . کذلک روسیاده ، آندن خیلی اقل نیجه خصماء خارجییه ایله اوروشدی . . . اوروشدی ده شرف و فخرله توشع ایتدی . . . انکلیزلرده بوکا امثله تاریخیه کوسترمشدی .

بو اقوامه بوالویه ظفری بخش ایدن صفات ممیزه فوق البشری دکل ایدی . . . هپ تشکیل ایتدکلری جمعیتک آهنگدار و متجانس اولدینی ایدی . تاریخک ادوار . قدیمه سنده مد نظر ایدرسه ک الگلی مثال اوله رق قارشیمزه : بر آوج قوم

یونانی ایله میلیونلره واردیریلان جیش بوقلمونی ایرانیان جیقار . بوغیر متناسب
ایکی قوتک « ترموبیل » مصادمه سی مشهور ، نتیجه سی ده معلومدر .

شیمدی بن شو امثله دن بر نقطه غایبه وارمق ایستیمورم که اوده : مادام که
بزعم انیلیر وحیدالجلس بر قوم دکلنز ؛ اوحالده اقوام متجانسه ایله مقایسه حال
ایتمه جکمز ؛ آنلرک متابعت ایستکلری . آنکله ترقی به صعود ایستکلری قوانین
خصوصیه اجتماعی به بر چوق نقطه لرده اقتدا ایله میه جکمز . بز اتباع ایده جکمز
قوانین اجتماعی کنده یزدن استنباط ایده جک زمان و امکانه مالک دکل ایسه ک .
هیچ اولمازسه بزه شبیه هیئات اجتماعی نک احوالی تدقیق . آنلردن بزده قابل
تطبیق اولان جهتلری استعاره ایده بیلیرز . بونلرده (روسیا) و (آوستریا)
دولتلریدر . زبرا آنلرده بزم کبی اقوام مختلفه و غیر متجانسه یی جامع هیئات
معظمه در . لکن - اسفا که - شیمدی به قدر اک آز تدقیق ایستدیکمز ، اک آز
اوکرن دیکمز . دها طوغریسی نه اوکرن دیکمز . نه ده اوکرنمک ایستدیکمز ایکی
هیئت وارسه ایشته بونلردر . بونلرکه تاریخاً اک چوق مناسبانده بولنمشز ، الیومده
بولنیورز ؛ حسب الجواریه الی نه ایده بولنه جغز . حالبوکه اوتنه دن بری اوروپا عالم -
اجتماعی سندن اک چوق کوروشدیکمز ، اوکرنه بیلدیکمز فرانسزلر ، انگلیزلر ،
آلمانلردر . واقعا روابط تجاریه و احتیاجات مهمات حربیه و سائر طولایسیله
آنلرله اولان مناسبانمز ضروریات سیاسیه و اقتصادیه مزندندر ؛ لکن ایشته
اوقدر اوتنه دن مشابعت حال . مطابقت اداره ، مجاورت و قرینت اعتباریله ،
هله ایجابات سیاسیه اوله رق بو ایکی معظم قومشونک جاهلی قایرسه ق بوغفلت
ومساحه مزندن ناشی اخلافزه ، تاریخه قارشلی اولان مسئولیت و محجوبیتلری هانکی
عذر صحیح و صریح ایله سیله بیلیرز ؟ . . .

مقدمه می اکال ایده میم : بوکون بردور بحران ایچنده بولنیورسه قده هر حالده
بونی اوزاتماق ، ممکن اولدینی قدر قیسه کسمک . بزى محیط اولان خدادق
ومصائد اعدایه بو حال تفرق انجذاب ایله تقریدن قورتلق بزم ایچون اک مهم
بر لازمه حیاتیه در . بن بحرانی ، حال طبیعی سینده کورمک ایستردم ؛ بوقسه قصداً

زوراکي بحران احداث ایتک ، سالم و فقط بر صوغق آغینلیغیله مضطرب بر معدیه
بالا اختیار خام میوه لر طولدی ره رق ناچار تخمه یه ، ضعف هضمه اوغراق عجب
نه ایله تاویل ایدیله بیلیر ؟ ...

خطانک یاریسندن عودت کاردن صاییلیرکن خطا تماماً حقیقت عاریه سیله
تجلی ایتدیکی حالدله بالمسکابره مصرانه آنده نبات ایتک ، بحر متلاطم مهالک
آرسنده چیرینان سفینه موجودیتمزده بر آن اول غرق و هلاکئی موجب رخه لر
آحق دیمک اولمازی ؟ ...

ایشته بویله بحرانی ، تهلکلی زمانلرده - اسکی تضییقاندن قورقلمک
و یردیکی نشئه و طربله - عارضه رخاوت و کسانته ، دها آجیقجه سی کابوس غفلت
و عطالته اوغرامیه رق ، شیمی دها نازک ، دها مخاطر ملی بر دوریه کجدی کمزی ،
مرض شدید و مهلکدن قورتلوبده دها مده شنه اوغراق استعدادنده بولنان
نقاھت دوره سنده بولندیغیزی پیش امعانه آله رق هر آته جغز آدمی آتادن اول
بر کره درت طرفزه ، اوکمز آردیمزه کوز کزدیرمک ، نه لرله محاط اولدیغیزی
ایشه باشلامدن کشف و تدقیق ایتک مجبوریتدیز .

بوجبوریتی حس ایتک ، افراد متفکره و مقتدره مزک دوشونلیسی لازم کلان
شیلرله ، صکرمیه بر اقلیسی ایجاب ایدن شیلیری بحق تفریق و تعیین ایلیسی
دیمکدر . نه وقت حال ایچون ، استقبال ایچون منتظم ، حرفی حرفه تطبیقنه ،
فقط کمال جسارت و متانتله دوام ایدیله جگمز ، آراء لاحقه افراد ایله اخلاص
و تبدیل ایدیله جک صورتده اتباعنه موفق اوله جغز پروغراملر وجوده کتیرسه ک
او وقت سفینه مزک اسباب نجاتی دوشونمیه باشلادق دیه بیلیرز .

بزم ادمغه متفکره مزک یک آهنگ اوله رق عین هدفه متوجها اعمال فکر
و نظر ایتدیگنی کوردرسه ک ، اوزمان قلبمزه بر نشاط آمال ، بر امید استقبال ،
برلمه سمد و اقبال اوایر ، آنکده یک چوق نتایج مادیه و معنویه سی درحال
کندینی کوستریر . زیرا ک مهم امراض اجتماعیه مزک بریده « آتمزه عدم
اعتماد ، خسته لغیر . غریبکه او مرض بزه خارجدن سرایت ایتبور ، کندیمز

تولید ایدیورز . خارجه دائما عکسنه مثالر کوریورز . بوکون اک اوافق
برهنت اجتماعیه تشکیل ایدن (قره طاغ) بیله کنیدیسی ایچون پک پارلاق ، پک
مشعشع بر استقبال خیالیه یاشامقدهدر . بو بویله اولنجه بز بومرضی خارجدن
آلیورز دیه بیلیرمی بز ؟ اگر اقوام محکومه یه باقیورسه ق اوده طوغری
اوله ماز ، زیر آنلرده کی امل استقبال حاکمکر کمکندن پک زیادهدر .

بورایه قدر اولان سوزلرم ، بوندن صکره سوبیله جهکرمک بر مقدمه غیر
منفک سیدر . اگر بویله بر فاتحه ایله باشلاماسیدم لاحقه مک روح حقیقتی بلکه
حقیله تصویر ایده من ، نشانه مقصوده ایصال افکاره موفق اوله مازدم ظن
ایدیورم .

مادام که بدوره نحوستن بر دوره سعاده ، بر حضیض فتور ویأسدن بر ساحة
امید ونجانه کچدک ، مادام که نقطه تفریطدن دیگر نقطه افراطه آنلاذق ، مادام که
بر عدم مسئولیت حالندن چیقوب مسئولیتلره مالی بر حالته کیردک بونلر
بزده کی شرائط حیات اجتماعیه بی بردن بره دیکشدرمش اولدی . طبیعی شیمدی
بویکی ایجاباته ، احتیاجاته کوره پروغراملر ترتیب ، قانونلر ، قاعده لر وضع
ایده جکزکه هیتمزک بو حیات جدیده ایچنده ، شومیدان نوین جدالده نصیل
خطوه انداز اوله جفنی ، حالیه متناسب ، استعدادیه متوافق بر خط حرکت تأمین
ایده جکنی تعیین ایتمش اوله لم .

[مابعدی کله جک نسخه ده]

عبد الغنی سنی

